

佛曰普照慧辨楚石禪師語錄卷第十三 岫七

侍 者 文 紩 編

雁蕩抹過山城海國從來鼻孔大頭垂莫道  
相逢不相識

偈頌

送徑山英首座歸鄞

凌霄峰頭第二座摩訶衍法會明破百非四

句俱已離白雪陽春有誰和直得舍暉亭跨一

跳上梵天東坡池吞却四明山驀然倒騎佛  
殿出門去墓盤石任苔痕斑君不見寒山子  
歸太早十年忘却來時道又不見明覺老無  
處討十洲春盡花凋殘珊瑚樹林日杲杲

送炬首座遊台溫

飲光論劫坐禪未免把纜放船文殊三處度  
夏大似遼天索價英俊道流去住自由朝遊  
檀特暮往羅浮天宮說法了也知是般事便  
休人人釋迦彌勒箇箇寒山拾得走徧天台

送信首座叅禮育王寶陁

新昌彌勒佛腳不離地走夜半過扶桑面南  
看北斗却入天台雁蕩又到清涼補陁撞着  
寒山拍手聽他捨得高歌阿呵呵阿呵呵依  
舊堂中疊足坐不勞萬里涉鯨波

離四句絕百非摩訶衍法誰當機能令寂子  
縮頭去可使吾道生光輝東浙西州恣探討  
箇中誰了誰不了果然識得本來人萬別千  
差俱一掃法身元無設利羅方便示現降羣  
魔聞思大士應塵刹至竟不會拘寶陁謾道  
石橫方廣寺未容薄地凡夫至瓊樓玉殿綵  
雲間正眼觀來何足貴手點曇華亭上茶最

先勘破盞中花幾人麻上生繩想又復將繩  
認作蛇背却天台遊雁蕩詎那尊者空遺像  
大龍湫與小龍湫瀑雪翻雲千萬丈盡塵沙  
界一般天歷歷分明在目前未動步時都歷  
徧誰能空費草鞋錢

送寶陀鼎維那

七

浙東山浙西水五湖四海皆自己明月高挑  
拄杖頭寒雲亂踏芒鞋底從門入者非家珍  
勘破寶陀巖上人蓋色騎聲也奇特一枝古  
洞桃花春此行迤邐回天育去去優曇遠山  
綠爲我寄聲二尊宿出門未免重叮囑

送順禪人并東乃師

蘇州有常州有兩兩不成雙三三亦非九有一  
句子到你禿却我舌無一句子到你啞却  
我口靈利衲僧知不知汝師自是真宗師如

何棄却耕桃樹只管沿山摘酸梨

送萬年楚藏主回日本

萬年一念一念萬年不在天台南嶽亦非東  
土西乾會得則風行草偃不會則紙裹麻纏  
本來無一物教外有何傳昔入大唐來眼不  
見鼻孔今歸日本去脚不跨船舷入海泥牛  
奔似電沿江木馬走如烟

送汀州文禪人

達磨西來不立文字見性明心落在第二還  
他出格道流坐斷報化佛頭眼裏着沙不得  
七  
水中捉月何由諸方老宿河沙數學者擔簦

如蟻慕拈却那吒第一機其餘總是閑家具  
四海參尋善知識談玄說妙空勞力當陽勘  
破老毗耶一句了然超百億汀泉福建明越  
溫台門門巨闢法法全該老鼠滿地走抱取

貓兒來

送昱禪人回三平

父母未生已前好箇本來面目日用何曾欠  
少誰云是事不足山又青水又綠早便起晚  
便宿烏不日黔鵠不日浴拄杖但喚作拄杖  
屋但喚作屋莫問如來禪祖師禪下里曲陽  
春曲昔日三平見大顛斷絃須待鸞膠續

送弘藏主還徑山兼東西白首座

上上上上到最高高處望望見青山起白雲

雲山出沒如波浪大華藏海知幾重重重圍

普賢身中行一步超過恒河沙佛土昨日方  
離海岸來今朝便往高麗去我此浙江何異  
汝鄉冬寒向火夏熱乘涼違本心者頭頭是  
道昧真性者處處迷方父母未生有甚麼與  
他辛苦擔皮囊効善財叅知識禮文殊謁彌  
勒不知放下馳求心內外中間絕消息或遊  
山或面壁或垂手入廬或韜光晦跡煅凡成  
聖只須臾拄地撐天也奇特順禪人須委悉  
紅日照中春清風生八極

送欽首座南還

七

四

繞凌霄峰須彌絕頂只這是耳聞迦葉敲金  
鐘百千萬億四天下信手拈來無一把束作  
龜毛一管筆經頭一字如何寫寫得分明說  
得親還他眼目人天人

送高麗順禪人歸國

祖位

六祖到廣州寓止法性寺因舉風幡話略與  
二僧議從此引葛藤蔓延南海地後人不解  
剗一歲多一歲珍重欽禪老頗有英靈氣參  
方本無得問法總不會我保任此人高踞佛

送參侍者

參須實參悟須實悟好箇師僧便恁麼去靈  
山會裏人總是天麒麟百千年滯貨拈弄越  
精神蹉過趙州禪遭他文遠笑鬪劣不鬪勝  
驢糞中着到因思老古錐節外更生枝一筆  
都勾下方爲跨竈兒吾家白雪曲且要高人  
和佛祖出頭來與渠都按過

送寧侍者參方禮祖

佛祖叢中無位次參方行脚誰家事隨興一  
念便乖張莫向禪門求意旨須知真正道人  
家到處忘懷泯自他爛炒浮漚盛滿鉢却來  
石上種蓮花國師三呼侍者三應呼今應今  
頭正尾正尋師必是達其源密意明明在汝  
邊他日歸來無折合必須痛喫老爺拳

送雪寶榮藏主歸國

一大藏教只說這箇東土西天分明勘破我

心地法門匪從人得便與麼去天地懸隔師  
子教兒能返擲羚羊掛角無蹤跡以字不是  
八字非覺天日月增光輝百尺竿頭五兩垂  
大唐又向扶桑歸火熱風動搖水濕地堅固  
打破鐵圍山古今無異路臨行何待重分付  
送參侍者參方

佛法徧在一切處莽莽鹵鹵河沙數籌劄相  
逢喚得回穿雲度水從君去頭上笠腰下包  
清風明月杖頭挑不會咬破一粒米萬兩黃  
金也合消開却門須識主彼此相知何必舉  
背靠法堂着草鞋初非密室中私語山未高  
今海未深趙州文遠沒絃琴當時公驗分明  
過四海誰人識此心

送越藏主

今以百千萬億闍浮洲拈來掛在牀角頭揀甚麼新羅日本佛誓流求鬧浩浩冷湫湫有時放有時收收放縱橫了無礙卷舒出沒常

自由誰道客來無供養不妨滿鉢炒浮漚

送志禪人

道人三次到來今始索吾長偈此事直下分明問渠何須特地十方只在目前大道初非物外若也會卽便會干木逢場作戲不會亦無欠少總是自家活計踏着諸佛頂門拽脫祖師巴鼻四大海水壁立五須彌山粉碎好箇大丈夫兒可與禪林增氣

送吳中滋禪人

蘇州有常州有歷歷面南看北斗主伴參隨與麼來象王回旋師子吼喫鹽聞鹹喫醋聞酸一有多種二無兩般口中說食終不飽身

上著衣方免寒不見道家山好家山好家山內有無根草時當臘月正春風五葉一花香未了

送中竺海維那

當念不生空諸有海坐斷釋迦文全超觀自

在中峰頂上鳴犍椎盡天地人俱絕疑陳如尊者有長處一句分明舉似誰坐臥經行卷舒出沒齧鏃之機如同電拂三十三天築氣毬兩手扶犁水過膝

送廣南慧藏主

鎮海明珠只一顆如來藏裏深扃鎖忽然突出拄杖頭照見山河千萬朵若問此珠作何色圓陀陀兮明歷歷南山之南北山北直截示人人不識歸去來歸去來依然高掛越王臺

送進禪人之浙東

百尺竿頭進一步家家門口長安路浙西之  
水浙東山鵲眼龍睛多罔措是佛不識佛騎  
驢更覓驢我今獨自往到處得逢渠畫蛇不  
必重添足六六元來三十六

送東侍者之天平

天平卓筆峰最奇入門便看浮山碑其中九  
帶不到十讀者未免心狐疑上人來自扶桑  
國慣見瑠璃浸天碧夜半金雞啼一聲鼻孔  
眼睛俱打失走徧東西與南北依然無處尋  
行跡

送常上人

秋風涼秋夜長井梧飄敗葉巖桂噴清香莫  
作世諦流布切忌佛法商量便與麼玉殿瓊  
樓初無蓋覆不與麼銀山鐵壁特地遮藏兩

頭截斷十字縱橫却笑長眉老尊者趺趺會  
不下禪牀

送萬壽通侍者

通身是偏身是拈却無位真人坐斷空劫自  
已向上一路不許商量討甚空花陽燄更尋  
蛇足鹽香仲冬嚴寒孟夏漸熱自古自今誰  
巧誰拙鳥窠吹起布毛直下斬釘截鐵道人  
若也有疑歸家問取禪月

送淨慈道藏主還景德

黃面瞿曇不動舌縱橫四十九年說葛藤往  
往疊成堆畢竟天無第二月一菴近日難南  
屏幕劄問渠看甚經只麼默然义手處青天  
白日轟雷霆龍灣老龍灣老叔姪相忘情更  
好鎮海明珠待索時與他傾出一栲栳

送愚叟如西堂

本色住山人且無刀斧痕如斯三十載道譽  
塞乾坤列下從前諸佛祖須彌撻打虛空鼓  
却完全揭示當陽主中主亦不必論賓亦  
不必誇妙喜竹籃分背觸誰能撒土更拋沙  
遇飯喫飯遇茶喫茶弟兄相見豈儉隨家露  
也  
地白牛甘水草不妨到處納些些入

送宗藏主

大士揮尺一下趙州繞牀一轉古今多少葛  
藤二老當頭截斷寶華藏主飽叢林訪友尋  
師年歲深臘月花開無影樹陽春曲奏沒絃  
琴東風急東風急上下四維挨不入水底青  
天盡踏翻何曾亂打鞋頭濕

送聖壽政維那

不用低頭思量難得真不掩僞曲不藏直流  
出音聲佛事豁開賢聖閻域洞山麻三斤雲

門乾屎橛會勘諸方來必竟如何說拄杖如  
龍活鰻鰻橫拈倒用乾坤濶

送淨慈壽首座還日本

富士山頭月祖龍溪上水月既不來此水亦  
不往彼正當水月交輝時萬里何曾隔一絲  
石女裁成火浣布泥牛踏斷珊瑚枝有佛無  
佛俱是誑卽心非心盡同謗教網高張未入  
微宗門直指還流浪所以道正法眼破沙盆  
古今此道喧乾坤黃金滿國難酬價付與休  
居的骨孫椿庭提起百雜碎不要被渠相負  
也  
累擲過那邊更那邊尋常只守閑閑地便與  
麼實奇哉諸方大可笑嚼飯喂嬰孩但恐空  
中釋梵來晏華又爲無心開

送延壽梓知客

臨濟大師賓主句趙州見僧喫茶去旋風頂

上屹然棲走徧天涯不移步九九從來八十

一尋常顯示尤綿密撐天拄地丈夫兒手眼  
通身赫如日

送蔣山澄知客

獨龍岡頭跳珠峰下客來須看賊來須打還  
上古之風規贊升平之法社師子之爪旣呈  
羚羊之角斯掛善能和其光同其塵自可忘  
其情絕其解蟻螟吞却妙高山草菴卸下瑣  
璃瓦

送日本易上人

已躬下事元明白動念却成雲水隔老胡謾  
自度流沙不會當頭箇一着日日東上日  
日日西沉何用有口說無絃方是琴道人拄  
杖握在手是聖是凡勞脊摟掇轉扶桑作大  
唐驚起法身藏北斗

送靈隱福藏主

三業清淨佛出世步步踏着黃金地三業不  
淨佛滅度黃金地上難移步與麼與麼當陽  
明皎皎不與麼不與麼徧界黑漫漫兩處牢  
關打脫千里藏海枯乾阿那箇是菩提煩惱  
喚甚麼作生死涅槃盡大地人齊研額飛來  
峰月照人寒

送亮侍者叅方

國師三喚侍者侍者三應國師蚯蚓抹過東  
海藕絲穿却須彌從來此道無今古不動纖  
塵超佛祖迷也悟也何必云語兮默兮自看  
取春風日夜吹天地是處園林變紅翠一一  
交羅帝網珠頭頭揭示靈山會咄

送觀首座

雲門未到靈樹已見知聖大師首座悟道了

送默維那

也一對無孔鐵鉗前無釋迦後無彌勒聖固  
難知凡安可測且道悟箇什麼面赤不如語  
直七月八月秋風涼千山萬山客路長太平  
菴中疊足坐任運施爲無不可

送雙林湛侍者

來也與麼來去也與麼去佛祖不爲人古今  
無異路尋常喫飯喫粥何待說性說心端坐  
受他供養日消萬兩黃金打破大唐國覓一  
箇會佛法底了不可得我見兩箇泥牛闖入  
海直至如今沒消息

送靈隱聚藏主

冷泉湯湯廣長舌無晝無夜無間歇畢竟不知  
何所說卷盡五千四十八塞却耳根作麼  
聽聽得分明心路絕心路絕處正眼開燈籠  
泓壁上天台

雲峰見翠巖投誠而入室豈無娘生口不肯  
爲渠說一朝桶篋爆通身白汗出披衣上方  
丈且喜大事畢汝自象山來問吾求旨訣置  
之雜務中擾擾經歲月拋却土木場使就維  
那職職滿要叅方須依善知識西川復東浙  
畢竟承誰力

送降侍者

此事分非授受靈光一點從來久釋迦迦  
葉同虛空少室神光亦何有吾負汝兮汝負  
吾侍者三應國師呼我在大唐汝日本半夜  
飛出金老鳥

送四明瑞巖潤藏主

從來無一法海口莫能宣霜風卷黃葉喚作  
止啼錢若遇明眼人且拈放一邊撲碎摩尼

珠大海浮鐵船能可空兩手不爲物所纏經  
行及坐臥在處莫非禪

送久藏主游天台雁蕩

佛佛授手面南看北斗祖祖相傳鑿石種紅蓮  
一氣轉一大藏教水流濕兮火就燥萬里風  
搏海上鵬幾年霧隱山中豹益無所益爲無所爲拔苦與樂興慈運悲黃檗樹頭得密果  
沒底籃子盛將歸直下是休揀擇新羅在

海東日本多商舶發弓飲羽兮兩岸俱玄鞭  
石吼升兮纖毫不隔台岳雲浮點點青蜃江  
月汎茫茫白

送玗侍者還里

鳥窠吹布毛便有人悟去而今作麼生莽齒  
河沙數玗禪旣磊落須會超方句見色與聞聲  
不可第二度秋風吹木犀鑿鬆開滿樹夢

送道場濟藏主

裏忽聞香覺來無覓處翻身摸著杌元是木頭做便與麼承當重疊關山路

答道場清遠禪師

吾姪僧中龍爲人施法雨根雖有利鈍心本無差互壁立萬仞表青山常獨露誰言師弟子此事須密付達磨不會禪妙喜亦非祖處處是道場何勞辨能所勉之從今日高步追前古

寄尼孫靜山主

我有一機向上全提超佛越祖海裏須彌天上天下知之者寡擬議不來劈脊便打五祖鄧師翁掃除臨濟宗圓悟與大慧一一龍生龍有箇尼無著至今流正脉古今常現前看是何標格

心不是佛智不是道天上人間何處尋討西  
齋今年六十八分明一老一不老慚愧青山  
人相看寂寞瀆問余有甚奇特處追風鐵馬  
戴麒麟昨夜月輪如火熱晒得鳥兒白似雪  
天真靈妙不可思議一語標宗言下徹

送智門斯道

生平

眼有三角頭峭五岳枯木繖花炎天飛電既  
善解粘去縛不須續鳬截鶴斯道今千  
載一時日面月面今古之今之句後聲前竟  
莫測棒頭喝下終無私君不見老智門彈一  
曲斷絃更待何人續蓮華荷葉甚分明也是  
訥君顛倒欲

示徒弟心安參方

一人所在亦須到半人所在亦須到入門休  
問主是誰看渠開口提綱要一言相契便參

送日本春侍者

七佛已來皆有侍者輔弼宗師作成法社香  
林在韶陽聞指示暗抄臨濟驗洛浦搜拄杖  
便打拚性命斷知解豈肯認奴作郎隨他指  
鹿爲馬近來車載斗量漫說雲興餅鴻春禪  
幸自英靈見地須交脫洒忽然光明盛大可  
見風流儒雅何也阿魏無真水銀無假

送進侍者

跋山賣却布單三千里外行腳忽然打破漆  
桶恰似虎頭生角進禪得來中州三萬里

截滄溟解笑瞎驢趁大隊倒拈拄杖風颶

颶扶桑那畔一輪日直至黃昏後方出微暗  
摩醯頂門眼東土西天無祖佛

送用首座

道人日本來第七將甚麼過海有語涉商量無言

十四

成室礙譬如金翅鳥王須彌頂上翹翔不學  
栖蘆鈍鳥卑飛只戀池塘摩訶衍法如何說  
四句皆離百非絕楊柳絲絲舞碧烟梅花片  
片飄香雪

送權維那

三世諸佛不知有一一面南看北斗狸奴白  
牯却知有拈得鼻孔失却口袖裏金鉢未舉  
時分明趨過毗盧師忽然一下百雜碎石虎  
吐出木羊兒渠渠渠我我折旋俯仰無不  
可識得西來祖意傳白雲影裏青山染

送志侍者

短歌數十丈長句三兩言不長又不短石火  
迸青天圓悟作侍者何曾參得禪當時鄧師  
翁未免所見偏法久乃成弊須忘魚與筌後  
生逐隊走紙裏仍麻纏決擇要明白卷舒機  
用全道人日本來可拍佛祖肩駿馬不受羈  
長途自騰騫日馳三萬里頃刻撫八埏妙喜  
臭皮襪楊岐金剛圈臨濟正法眼滅向瞎驢  
邊鼻孔略彷彿諸方誰敢穿

贈前西隱玉磽血書華嚴經

十七

毗盧性海無邊表非古非今非大小有時捏  
聚一毫頭血滴滴地從揮掃有時伸作廣長  
舌一卷百番宣未了玉潤老金溪寶如來樣  
向心中造善財童子未知歸度水穿雲謾尋  
討當砌華映簾草雪白藏甞香裊裊自然覺

者處其中終不隨他打之繞

次韻贈西隱白石

釋迦掩室金粟無言同條共貫拔本塞源聞  
無聞見無見如投師子一滴血六斛驢乳皆  
星散藏中自有摩尼珠須知不在龍宮殿襟  
懷蕩蕩眉宇津津滄溟半勺大地纖塵直得  
飛來峰跨跳壑雷亭下雨翻盆

贈五臺體法師

惟一文殊無二文殊百千萬億徧滿塵區或  
作老人或爲童子或在山林或居塵市或乘  
獅子跨空行或現光明從地起法師久矣駐  
五臺一雙淨眼長舒開黃金雖貴著不得六  
凡四聖皆塵埃如今更莫思量著六用門頭  
空索索不坐禪不看經白雲自白青山青飯  
罷繞廊行一轉剎那圓滿菩提願

送徒弟獻書記參方

當年洛浦辭臨濟不比尋常赤稍鯉未落夾  
山囊囊中好將一喝重扶起獻禪卓錫泰水  
濱再涉寒暑忘艱辛何獨叢林重名節灼然  
父母非我親黃龍只是南書記道德文章可  
名世還他直截老楊岐流出胸襟蓋天地

送有侍者游天台

天台一萬八千丈正眼觀來平似掌不待崎  
嶇走路岐塵塵刹刹皆方廣頭上笠腰下包  
青山綠水長逍遙衲僧本自無羈絆萬兩黃  
十六金也合消

送虎丘應藏主

真然第一著妙悟第一藥若是過量人其心  
自昭廓虎丘掃蕩邪見師電光石火舒先機  
伶俐衲僧俱直截不須更問今何時大藏小  
罪繞廊行一轉剎那圓滿菩提願

藏從此去豈有意根椿立處十字街頭沒底

鞋千年石上無根樹

送淨慈海藏主

永明門前一湖水更有荷花香十里三世如  
來說不到一大藏教提不起禪和未許亂承  
當却是虛空解舉揚塞却耳根何處聽舌頭  
不動語琅琅諦觀堂上老師偈勿以區區情  
識會昨日下雨今日晴張公喫酒李公醉

送印侍者遊南岳

君不見馬祖坐禪圖作佛奈何無事尋窠窟  
讓師渾不費鉤錐平白家財遭籍沒又不見  
五百比丘常在定獮猴各佩菱華鏡問君底  
處是譖訛切忌逢人說邪正盤陀石上青松  
根日輪卓午天無雲曜古騰今只這是跏趺  
印出莓苔痕放卽收收卽放天下衲僧爲榜

七

十七

樣新羅依舊海東邊門口不在舌頭上七十

二峰皆可游異花靈草無春秋石橋踏斷成

兩截方見橋流水不流

送心姪參方

慈明竄身火隊中只要勘辨汾陽翁半夜亡

親索祭祀明朝大嚼盃盤空其時在座多象  
龍未免散去隨西東滾滾白川流入海皮膚  
脫落真實在將軍疋馬過袁州臨行記剝增  
光彩如今滿地皆兒孫未有一人能滅門壽  
山但道看脚下佛祖不勞開口吞

送雲居玉維那禮補陀

玉禪南方轉一遭會佛法底如牛毛拄杖頭  
邊撥得着爲渠畫斷天雲高撲滅祖燈掃除  
胡種諸聖不慕已靈不重連城白璧本無瑕  
滿掬摩尼爲誰捧嘗愛踠山老解云肯諾不

得全又聞雲居翁閨閣中物須棄捐破家散

宅作活計透出威音王以前天台南石橋北

觀音院裏有彌勒發揮二十五圓通屋角桃

花露春色

送義藏主

你問訊了一邊立地不是如來禪亦非祖師  
意用時便用沒商量說甚了義不了義衆生  
本來是佛更要靈山授記七縱八橫遠問近  
對如此師僧果然伶利等閒撒出摩尼珠直  
得神光照天外

送玄禪人之江西

馬祖自從胡亂後分明對衆揚家醜來來去  
去是龐公吸盡西江不開口方外八十有四  
人搖頭擺尾皆金鱗却從平地起波浪大坐  
當軒據要津殘羹餽飯不知數縱展炊巾無

着處好提古劍觸體前日炎風吹全體露

送成侍者叅方

侍者叅得禪我未敢相許職滿說游方臨行  
求贈語後生真可畏老僧全望汝諸方善知  
識說法如雲雨行脚要帶眼入門須辨主壽  
山一句子請分明記取

送大藏主歸里奔喪

父母俱亡覓偈奔喪誰是報恩者何處是故  
鄉行徧天涯海角沒叅學處叅學十方不離  
目前只麼寂寥寬廓君不見荷澤師走向僧  
堂裏白槌摩訶般若未開口露柱燈籠已嗟  
吼

送歲侍者

秋風處處飄黃葉正坐蒲團縫壞衲道人別  
我去游方三度問渠渠不答試看如今是甚

時千鈞祖道懸於絲師求弟子固未暇可有  
弟子求其師君不見投針徹底驚龍猛又手  
向前參瑞像拈得山僧兔角杖他年卓在孤  
峰上

送彙藏主

七

十九

一大藏教是切脚平上去入切不着釋迦老子口門窄煩惱菩提盡拈却所在叢林黃葉落生天癩狗翔雲鶴從他夷岳而盈壑且把烏藤束高閣

送淨慈顏藏主游廬山

拈起一片木葉移來一座廬山古人真實相

爲且免區區往還着草鞋拖拄杖游州獵縣極意妄想若是出格道流必然別有伎倆恁麼中不恁麼擊木無聲不恁麼中却恁麼敲空作響欲知廬山高更聽廬山謠百億贍部

洲都盧入秋臺東西二林在山北自古遠公標勝跡結社同修十八人臨終盡向蓮華國南則歸宗開先萬杉栖賢羅漢慧日六刹相連五老峰明月泉香爐師子金輪玉淵遙瞻瀑布不可近迸雪崩雷崖石穿千樹萬樹青

松交加屈曲一箇兩箇白鶴鼓舞蹣跚滿地嘉華美草隨時瑞靄祥烟何消尊宿開口但管森羅說禪不是長行短偈亦非直指單傳革五宗之舊轍掃諸祖<sub>之一</sub>頗傳針眼魚吞大

干界扶桑人種陝西田

送聰禪人

出門步步清森起一棹鐵船三萬里大魚剛被小魚吞縮却龍頭展蛇尾未到中原俱歷徧浙山如黛江如練臨風側耳聽鄉談故國依然海西岸佛不論先後道不揀精巖禪不

屬迷悟智不得有無釋迦彌勒是他奴那箇

男兒不丈夫

送大慈讓維那

折旋俯仰須臾頃抹過普超三昧頂靈利衲僧終不凡偏參豈爲觀風景一毫端上慈雲峰草鞋踏破山重重當年法戰既得勝後來自可興吾宗陷虎之機險崖句何待西齋再付

送中天竺吾藏主還日本

初來大唐國此道已圓成而況歲月多煅煉金愈精添不得減不得應用恒沙有何極莫問凡流與上賢誰論大智并情識西湖之水西湖山動靜不離方寸間月在中峰夜將半天香桂子誰能攀亦不喚作心亦不喚作佛亦不喚作半滿偏圓亦不喚作照用權實掇

轉船頭是故鄉龍吞不盡瑠璃碧

送儀侍者游天台鴈蕩

前釋迦後彌勒心不見心無相可得出門緣水青山到處花紅草碧如斯舉似魚魯參差直下承當天地懸隔寒山子道千年石上古  
地  
人蹤萬丈巖前一點空此一點空不可取天台鴈蕩隨西東衲僧行脚休輕議略以虛懷標此位非凡非聖強安名高踏毗盧頂上行

送伊藏主游四明天台

出門拈起拄杖子不擇山林與城市第一穿

寺

王

過玲瓏巖先聽主翁敷妙音翻身直上玉几峰踏着從前自家底八萬四千設利羅須知不在金壘裏好風穩送寶陀船刹刹塵塵逢大士訪雪竇游清涼觸目無非聖道場天寧定水善知識師子哮吼羣狽藏霞城豈獨觀

風景五百聲聞須喚醒一一教他出世來鬧  
中不礙身心靜直饒茶盞現奇花也待衆生  
心自肯國清三聖誰不知興發到處題新詩  
虛空作紙大海墨稻麻竹葦皆毛錐諸方說  
禪浩浩地解舉此話今其誰滑石橋難措足

下有龍蟠無底谷多少游人不敢窺懸崖日

夜飛銀瀑舉頭更望華頂雲千里萬里長相  
逐摩挲拄杖又向西州還一毫頭上忽然突  
出須彌山

送諸侍者游天台鴈蕩

台山青雁山碧滿眼滿耳非聲非色先過嶮  
縣禮彌勒莫道通身是崖壁撐天柱地更有  
誰往往示人人不識試點五伯羅漢茶一枚  
盞現一枝花分明拈出這壹著多少師僧蹉  
過他游華頂了國清去名藍正在幽深處豈

千寒拾面目真屈曲寒藤上高樹欵欵行入  
芙蓉村奇峰峭壁雲吐吞靈巖左右十八寺  
寺寺皆有山當門詎那終日抱膝坐仰觀瀑布  
從空墮勿云尊者不說法撒出驪珠千萬  
顆逐事與君提話頭如今不了何時休大唐

國裏無佛法看取鐵船水上浮

送壽禪人

真正舉揚誰辨的白雲鎖斷寒山色參方衲  
子太惺惺剔起眉毛雙眼碧有祖以來提唱  
多而今莫問如之何饑餐渴飲無餘事脫却

籠頭卸角駄

送吾禪人

古藤橫瘦肩兩屢踏殘雪陽烏未休春山  
若爲別朦朧睡眼何處開應向前途指明月

送日本建長佐侍者之廬山

大唐國裏宗乘未有一人舉唱信手拈起布  
毛慚愧鳥窠和尚此話傳來幾百秋五雙十  
箇徒悠悠燈籠露柱太饒舌萬象森羅齊唱  
酬此行舟過溢城口峰頂已聞獅子吼五老

同時笑展眉瀑布不溜青山走除却平常與  
奇特逢人作麼通消息倒騎鐵馬上須彌癮  
得清風生八極

送明禪人叅徑山兼柬古鼎和尚

近離何處來曾到此間否不許俊衲僧人前  
亂開口天寧拄杖子未免劈脊摟決不至三  
十但打二十九留一棒自喫諸方若爲剖凌  
霄老宗匠管取橫點首不作野干鳴亦非師  
子吼若人會此意堪續牟尼後

送日本侍者

大唐日本東西國一樣眼橫并鼻直海底泥

牛摘角牽雲中石女拋梭織日禪幸自可憐  
生卻道西來有消息西來本也無消息平地  
茫茫種荆棘文遠何曾見趙州善財亦不參  
彌勒

送天寧元首座

靈山第二座不與諸方同解笑小釋迦夢昇  
兜率宮百非及四句落落開談叢說處却成  
默塞時無不通毒蛇吞鼈鼻猛虎咬大蟲坐  
斷佛祖舌初非修證功三冬枯木秀九夏雪  
葉紅持此似老僧將以明已躬直下兜一喝  
未免三日聾三日聾尚可嚇殺東村翁

送中竺宏侍者

大機大用無傳授誰解金毛獅子吼千歲巖  
頭七十翁通身是眼通身手若道今年已涅槃  
男兒終不受人謾犀牛扇子依然在直得

清風滿座寒

送徑山一藏主

一大藏教閑葛藤盡  
大地人跳不出夢菴本  
是奇衲子夜半扶桑吐紅日拈起凌霄峰頂  
茶却是洞庭湖上橘三千世界菴摩勒放開  
捏聚誰能詰松風磽水自談玄却笑區區論  
權實權非權實非實白雲道箇鉢囉娘帶累  
兒孫空受屈

送中竺岳藏主

道人特地咨參我有我有人成話墮纔跨門  
來剔起眉分明寶藏開金鎖唐國之西日本  
東都盧攝在微塵中珊瑚樹林知幾幾照見  
海日三更紅釋迦四十九年說貴買朱砂畫  
明月中竺果然機用別金剛寶劍當頭截

佛日普照慧辯楚石禪師語錄卷第十三

音釋

迤邐上養里切音以下良以  
下魯皓切音里迤邐旁行也  
栲栳上苦浩切音考  
下栲栳盛物器也此獨力壯武貌聰香依切音希望也  
驥上魚乞切音危  
下驥驥之乘也千里為也  
蹠上萬眼切音冀  
下蘇前切音先蹠躡行貌